

# 開會16次 鄺俊宇缺勤14次

## 自願加入3委會卻不出席不負責任 網民譏諷最叻「神隱」



自從攪炒派區議員借消費黑暴上位後，一直無所作為，反而將區議會搞到泛政治化，更甚者民主黨元朗區議員鄺俊宇最近被踢爆，去年加入嘅3個委員會，全年合共開會16次，結果只出席咗兩次，缺勤達14次，連網民都揶揄：「『神』，果然係存於虛無之中。」「神」就係神，不過最叻就應該係神隱囉。

自從攪炒派區議員借消費黑暴上位後，一直無所作為，反而將區議會搞到泛政治化，更甚者民主黨元朗區議員鄺俊宇最近被踢爆，去年加入嘅3個委員會，全年合共開會16次，結果只出席咗兩次，缺勤達14次，連網民都揶揄：「『神』，果然係存於虛無之中。」「神」就係神，不過最叻就應該係神隱囉。

●香港文匯報記者 郭家好

**事**先聲明，區議會委員會係由區議員自行選擇加入，冇強迫成分，而從責任上嚟講，加入得就要去開會都係一件好正常嘅事吧？但係偏偏有人反其道而行，一次會都唔肯去開，講緊就係鄺俊宇。

但鄺俊宇淨係出席過兩次，缺勤達14次，缺勤率可謂係非常高。

「元朗藍本」：出勤紀律欠管理

同時，新聞媒體網站「元朗藍本」亦指出，事件反映區議會內目前區議員出勤紀律欠缺管理，例如「地委會」主席民主黨吳玉英和「文委會」主席「動元十八」方浩軒，就鄺俊宇從未出席有關委員會會議均有作出任何處理。由此可見，有包庇嫌疑。另外，「N.T. 監察聯盟」亦P圖恥笑鄺俊宇，話「提提大家：鄺俊宇最後上線時間(係)上個月25:25p.m.」

**查**會議記錄 揭遲到加早退

根據元朗區議會委員會區議員由2020年1月1日至12月31日嘅出席記錄，鄺俊宇淨係係5次交通及運輸委員會會議中出席過兩次，只達應該出席嘅40%。香港文匯報再翻查委員會會議記錄，發現佢出席第一次會議時遲到加早退，上午10時55分先到，但下午12時45分就早退離開，而第二次出席會議時雖然有等到個會議結束先走，但都係上午10時20分先到場，遲到嗎。

面對「鄺神」神隱，唔少網民都揶揄鄺俊宇見唔到人係「正常」㗎。「梁鵬」揶揄：「『神』，果然係存於虛無之中。」「Wai Kwan Wong」譏諷：「牠是『神』，正常看不見。」「麗麗珍」批評鄺俊宇白晝人工，「辦事處都不用返，人做議員，佢做議員，睇怕無一個好似佢咁嘅，工不用返，工資照袋，就算兄弟企街乞討佢都唔現身，躲藏豪宅，吃喝玩樂？兄弟要加油呀！」「Ga Ga Yg」笑言：「尋『神』記。」

「Tom Wong」認為：「(鄺俊宇)在豪宅出住權證緊」。

事實上，根據元朗區議員資料介紹，鄺俊宇唔單止係交通及運輸委員會委員，同時亦係文、藝、康、體、福利、教育及治安委員會委員，地區設施管理委員會委員，呢兩個委員會2020年分別開過6次及5次會議，但鄺俊宇從未出席。由此可見，加理交通及運輸委員會，3個委員會合共開咗16次會，

# 攪炒派委會主席一度未避席 疑撥款益自己友

香港文匯報訊(記者 郭家好)攪炒派區議員每每在審議有關政府的撥款時都會多番阻撓，但近日葵青區議會轄下康樂及文化委員會在審議有關康樂及文化事務署「十八有藝一葵青社區演藝計劃」的撥款申請時，在計劃中擔任其中一名導師的委員會主席王天仁一開始未有避席，後來撥款申請更在一眾攪炒派區議員支持下匆忙地投票通過。有建制派區議員質疑，王天仁未有就事件作利益申報，以及撥款通過得太快，質疑是攪炒派「明益自己友」。

事實上，康文署自2008年至2009年度起，每年都會向區議會申請撥款，協助區議會在區內舉辦地區免費文娛節目。不過，康文署今年選擇以一種新的方式取代地區免費文娛節目，就是與葵青區議會及地區團體合作，結合三方資源在葵青區推行演藝計劃，由富經驗的專業藝團策略性地籌辦深化的藝術活動，以及12場涵蓋不同藝術類別的節目。

翻查康文署的撥款申請文件，演藝計劃的整體預算開支為港幣250萬元，由區議會及康文署平均攤分，即葵青區議會及康文署各承擔港幣125萬元。當中，在「落地開歌社區學堂」內，15位新音樂人將會參與一系列的社區學堂，包括葵青歷史初探及訪問技巧入門，由區議員及藝術家王天仁、歷史達人高添強分享葵青歷史及各地標背景。

**有否申報利益 王天仁竟稱不知**

然而，民建聯葵青區議員郭芙蓉昨日接受香港文匯報訪問時表示，在4月8日的康文委員會上，身為委員會主席的王天仁卻沒有避席，其他攪炒派議員更包庇王天仁稱沒有必要避席，但在建制派



●「十八有藝一葵青社區演藝計劃」疑由負責審批的康文委員會主席王天仁獲得，有「明益自己友」之嫌。

議員堅持下王天仁最終離席。而且，當王天仁被建制派議員追問是否有作出利益申報時，王天仁竟然聲稱自己不知情，而康文署亦沒有作出回應，「文件是公開的，王天仁沒有可能不知情，康文署不出聲可能是不想揭穿他，給他留個面子。」

郭芙蓉指出，建制派議員對於康文署的計劃是持支持的態度，認為這是一種多元化的創意，但由於康文署事前沒有做任何公眾諮詢，當日亦是第一日交上委員會審議，所以很自然會質疑當中的招標是如何進行，區議會能如何監察計劃的進行，如當有歌曲出現「港獨」或色情時怎樣處理等等，「我們都認為康文署應該要補充好資料才繼續審議撥款，但平時一直留難政府的攪炒派議員卻反常地急腳投票通過撥款，令人質疑是否想明益自己友(王天仁)。」她補充，建制派議員均投了棄權票。

**梁嘉銘批新屆區會財務亂糟糟**

另一民建聯葵青區議員梁嘉銘亦在社交平台批評，新一屆區議會財務亂糟糟，「自己人益自己人，圍城嘅批錢，(攪炒派)平時聲大話要審查，到關於自己友有份的團體，就『嗶嗶聲』通過。大家要多啲監察公帑使去邊。」



●「N.T. 監察聯盟」P圖恥笑鄺俊宇，話「提提大家：鄺俊宇最後上線時間(係)上個月25:25p.m.」



●網民揶揄鄺俊宇：「『神』，果然係存於虛無之中。」

# 會議出席率僅五成

# 王進洋蟬聯「蛇王洋」



●「離島監察」發帖指「糧支」議員王進洋早前欺負老人家後，又懶得開會再度蟬聯「蛇王洋」。fb圖片



繼「鄺神」神隱區議會多個委員會後，嘔日又有組織發現攪炒派離島區議員王進洋懶得開會，再度蟬聯「蛇王洋」，因為佢係合共16次會議中只係出席得8次，剛剛好五成，不愧係「惡懶人協會」會長，連網民都批評佢戲都唔做，「蛇王出糧都做下戲嘅，咁嘅(嘅)演戲態度會令班『手足』好難撐嘍。」

話說呢位「蛇王洋」，佢之前鬧得最出名嘅單嘢就係去年3月曾公開聲稱拒絕接受所有支持基本法第二十三條立法市民求助，俾社會各界質疑涉嫌干犯「公職人員行為失當」罪。之後5月又連邪教都要包庇，嚟接受訪問時竟公開聲援「法輪功」，更狂言自己點樣拆走「香港青年關愛協會」反對「法輪功」嘅橫額，真係無良至極。

組織「離島監察」嘔日喺facebook發帖，指「糧支」議員王進洋早前欺負老人家後，又懶得開會再度蟬聯「蛇王洋」，果然係「惡懶人協會」會長。

香港文匯報翻查離島區議會委員會區議員由2020年1月1日至12月31日嘅出席記錄，發現王進洋加入嘅社區事務及文化康樂委員會、地區設施管理委員會、交通及運輸委員會及旅遊漁農、環境衛生及氣候變化委員會一共只係出席得8次，但呢幾個會合共有16次會議，所以王進洋先剛剛好得五成出席率，當中環境衛生及氣候變化委員會更係從未出席。

**網民：蛇王出糧都做下戲嘅**

面對咁懶區議員，網民都口不留情，「Win Law」表示：「蛇王出糧都做下戲嘅，咁嘅(嘅)演戲態度會令班『手足』好難撐嘍。」[Jonathan Chow]質疑：「唔係啊嘛，會都唔開？仲學咩人做議員？難道佢淨係識做暴逃？」[Bo Chung]批評：「垃圾！投咗佢啲咁自己好好返醒(反省)。」[Chan Ka Ming]認為：「依(啱)咁(咁)敗類……真不知所謂……！」[Steven Chan]覺得：「又為左(咗)糧支。」[Gant Chan]說：「投佢票市民自己擇嘍！」

●香港文匯報記者 郭家好

# 黃店虐狗被識破 重開新店圖洗底



狗狗咁可愛，點會有人捨得虐待狗狗呢？但現實中真係會有人咁無良，之前有一間黃店「十八汽車美容」員工用膠紙將狗狗封嘴，仲辯稱係因為愛犬頑皮，最後咪搞到警方主動調查，登門拘捕。當時，呢位黃店技師師傅鄧德鵬同佢老婆搞到人神共憤，當佢哋過街老鼠咁，以為集體杯葛佢哋就完嘞，點知近排有網民發現鄧德鵬係黃店原址重新開過一間汽車美容店，仲擅自將原店嘅fb page改為新店名，企圖蒙混過關，洗底改名。

話說，之前觀塘一間黃店「十八汽車美容」負責人鄧德鵬係互聯網上載一張唐狗俾膠紙封嘴、頸纏短鐵鏈綁近門口嘅照片，當中更附帶粗言穢語，令網民質疑有人虐狗，紛紛口誅筆伐，後來狗主知道鬧禍，於是嗶嗶臨臨發帖報狗平安及道歉，又辯稱係因為愛犬頑皮先以膠紙暫時封嘴，最後警方主動調查，登門拘捕涉案狗主。

後來，又有網民揭發應該係有個「家長」課金昇鄧德鵬夫妻開舖，但之後呢對男女就扮晒自己係老闆，實質食晒「家長」嘅錢，賺完錢就走人，噏家仲係原址改名開返新舖，名正言順做老闆，簡直係「家長」夾棍。

近日，有名為「蘇志燮二奶」嘅網民喺「連登」發帖，指鄧德鵬夫妻刪除咗自己以前個fb page，並將「十八汽車美容」fb



●網民發帖指鄧德鵬夫妻刪除咗自己以前個fb page，並將「十八汽車美容」fb page改名改為「日和工房」。網上截圖

page改名改為「日和工房」，好似想靠改名洗底，叫網民唔好放過佢哋。

之後，「十八汽車美容」亦另開一個新嘅fb page，並發表聲明話原本嘅fb page係4月4日俾鄧德鵬盜用，將原先屬於公司嘅fb page專頁擅自更改為佢本人嘅汽車美容公司。咁講法，即係明搶客嘞。所以，「十八汽車美容」表明會將呢次事件訴諸法律行動。

**網民鬧爆虐狗無賴行為**

面對虐狗咁無賴嘅行為，網民都不斷鬧爆佢。「黃之鋒(有口音)」就鬧：「咁×快想洗底？係咪以(為)改個(過)個名就可以扮無事，×街車房佬。」「眼又殘耳又聾」話：「好心唔識識養就唔好養，害死隻狗。」[IN石原里美WeLove]怒斥：「我封返你腦筋(老闆)個口，等住有錢開飯，下世做狗嘞。」但狗狗得罪你乜嘢，做乜要佢哋做狗影咁嘅狗。

●香港文匯報記者 郭家好



●鄧德鵬上載一張唐狗俾膠紙封嘴、頸纏短鐵鏈綁近門口嘅照片。網上截圖



●網民質疑有人虐狗。網上截圖

# 「人力」禁宣誓 唯一區員即退黨



立法會《2021年公職(參選及任職)(雜項修訂)條例草案》立法在即，唔少「身有屎」而極度心虛嘅攪炒派區議員驚自己無得留低，於是就以唔同藉口拒絕宣誓。不過，近日發生一場好戲，就係當「人民力量」嘔日宣布旗下區議員唔准用「人民力量」身份宣誓後，佢哋唯一一個區議員立即表示要退黨，真係「糧支」大過天，黨紀擺埋一邊。

話說，「人民力量」嘔日喺facebook以「『人民力量』反對現任區議員進行『僭建宣誓』」為題發帖，稱

2021年4月10日「人民力量」舉行嘅特別會員大會，經出席會員投票，大比數通過「反對『人民力量』區議員，以『人民力量』會員身份進行今次『僭建宣誓』」。

**溫子眾發文表示堅定做區員決心**

本來以為好威水嘞，點知「人民力量」唯一一個黃大仙區議員溫子眾隨即喺facebook發帖表示，佢本人同辦事處同2021「關懷東頭」團隊會尊重「人民力量」特別黨員大會投票結果，但同時正式宣布佢今個月內會擇日退黨。哇，玩到咁

大，我估「人民力量」呢一刻一定啱啱撕心裂肺緊。之後，溫子眾更繼續發文表示佢堅定做區員嘅決心，「昂然踏著(着)前路去，追趕理想旅途上，前行步步懷自信，風吹雨打不退讓。」呢鋪實行激死「人民力量」喇。

不過，都有唔少黃絲繼續攞溫子眾，「黃綺婷」話：「『手足』無標籤，一切在心中，『香港人』撐住。」攪炒派沙田區議員許立榮亦留言話：「[拍肩]。」[林喬偉]就睇穿一切表示：「(因為)要宣誓，(所以)退黨保平安。」成件事係係好搞笑呢！不過明嘅，「糧支」始終先係最重要。 ●香港文匯報記者 郭家好